

Pola Timotimo inmbaia mac tiratna timbiŋ rapar Outna kam

Timoti ma Polna aiŋ kabena ramoot, ainda moca Pola manmo gan timbiŋ rapara tirra neanŋa matanŋek. Te, ma watca tipemb kirarir lainŋa ranŋaica mona. Na Timoti, ma ndona ritipacmo kai mo irik teac, na ma Iesus Karaisna kam wemban laŋna kammo wiwitina kai ndarekrekke teac. Na ma Raraŋ Aetaniacna kambmo muruŋa wandoŋ ŋgoinna ranŋairanŋ. Na meikramtaira manmo makukarapa, gŋgirara manmo neanŋ te, ma anna moca kai irik mbirac teac, na ma gagraca witikca an aiŋa Raraŋ Aetaniaca manmo neanŋrinanna, an aiŋa moranŋ.

Na Timoti, ma an iroar landamŋi lainŋ ko-corta meikramtairta ŋaŋaona kambmo, koara kai tikca warac teac. Ainta kambca ma meikramtairta eteacna watta mo ŋgocrairena. Aintik Timoti, ma Polna tipemb kirarirmo matau lamŋia, anna ranŋairanŋ. Na anna an ritipac gargarna tipemb kirarirapa, iro wewetta eacrenanapa, kabena meikramtairmo matŋirena tip kirarapa, makukarmo mbukraŋna tip kirarap.

**Timoti ma aiŋ gargara mo te, ma
Raraŋ Aetaniacna aiŋna ramoot
ndarunandet**

(1—4)

¹ Aku Pol, Karais Iesusna up angirena ramoot. Na Raraŋ Aetaniacna tonŋon mbuŋa ma ndo aukmo larapaca, aku mana up angirena ramoot ndaruca, meikramtairmo mbopca mina an iarwarna eteacna watta ma babuatnanmo, an Karais Iesusa ripacrena meikramtairmo neaŋnande.

² Aintik Timoti, u aukna mamatŋina nuoc ngoin tik, aku unmo timbiŋ rapara tirca neaŋga makipek. Te, Raraŋ Aetaniacapa, aina Kacoot Karais Iesusa unmo kadmaica, unmo kakadmaina opotaca moca, una iro inikca moi wewet-taca laŋ ndeacnandet.

Aia kam wembaŋ laŋna moca numbira kai mo teac

³ Na aku Raraŋ Aetaniacmo kam laŋ neaŋrena, na aukna nicar ngamrirapa auk, aia manmo mbendeirena, na mana aiŋira morenan. Na aukna iro inikca aku lamŋirena, aku tipembngorikta makukara mana lamniac ngoutta aku kamaind. Ainda moca aku mouŋapa, raap mbendeirenanna, aku memetmbaca una lamŋirenan.

⁴ Na Timoti, una nananaena timbta moca aku memetmbaca malamŋireke, na unmo mac watna tonŋon ngoin, na aku unmo wat te, aku tonŋonandet.

⁵ Na aku matau lamŋirenanna, u Karaismo gidikca ripacrena. An tipna kirar kabea una aem Iunisapa nicau meac Loisa ngaua Karaisa

1:1 Epe 1.1 **1:2** Up 16.1, na 1 Ti 1.2 **1:3** Up 22.3, na 23.1, na Ro 1.8-9, na Pil 3.5, na 1 Te 1.2, na 3.10 **1:5** Up 16.1, na 1 Ti 1.5, na 4.6

ripacrina kirar. Na mandeacna minna aku una an ritipac gargarna moca lamnjirena.

⁶ Na aku una iroa moca ngep te, an kakadmainsa opotaca Raraŋ Aetaniaca unmo neaŋrenanmo, una nikinik iroa moi gagrana mona. An kirara ramootta tacmo, wica ma aniaca wirrina. Na an reac laŋna gargara Raraŋ Aetaniaca unmo neaŋrinanna, na aku ndona para una paŋan nambatta tikrinanna, anna ndoprena.

⁷ Na u lamnjirena, an Ŋeroŋa Raraŋ Aetaniaca unmo neaŋrinanna, ma aimo mba mo nanambirena ŋeroŋ. Ma aimo gargar neaŋrenan, na ma aimo moca aia kabena meikramtaira matjirenan, na ma aimo otaca, aia ndorita eteacna watmo mataua raupnjirena.

⁸ Ainda moca u aina Kacootna kammo, wiwitina numbira kai mo teac. Na aku kacŋgoreaca eacrenanna, aukmo numbira kai mo teac. Na u Raraŋ Aetaniacna, gargar aŋgica aukap kam wembaŋ laŋmo wiwitina aiŋna makuk mbukna.

⁹ Na Raraŋ Aetaniaca aimo mac nda aŋgiri, na ma aimo acrina, te, aia mana meikramtair teacnandet. Na aia morina tipemb kirarir laiŋta moca ma mba lamnjirina, na aimo acrina. Wanaiŋ. Atu ŋgoinna ma reac ianna mo ŋgocor ndeacri, ma aimo ndona tonŋon mbuŋa ŋgacrina. Aintik Karais Iesus mbuŋa ma aimo kadmaica aimo mana meikramtaira moca

1:6 1 Te 5.19, na 1 Ti 4.14 **1:7** Lk 24.49, na Up 1.8, na Ro 8.15

1:8 Ro 1.16, na Pil 1.7, na Kol 1.24, na 1 Ti 2.6 **1:9** Ro 8.28, na Epe 1.4, na 2.8-9, na 1 Te 4.7, na Ta 3.5, na Ib 3.1, na 1 Pi 1.20

larurina.

¹⁰ Na mandeacna minna Karais Iesus, ma aimo mac nda anjina Ramoot, na ma raekca larurina. Na mana aiɲna moca, Raraɲ Aetaniacna kakadmai toco, raekca eacrena. Ainda moca Karais Iesusa memenacna gargara mo irikrina, na mana kam wembaɲ laɲ mbuɲa, ma moca meikramtaɪra muruɲcamiɲa iarwarna eteacna watta lamɲirena.

¹¹ Ainda moca gan kam wembaɲ laɲna moca ma tonjorina, aintik aku an aiɲa morena. Na ma aukmo Raraɲ Aetaniacna kammo wiwitinan, na mana up anjirena ramoot ndaruna, na meikramtaɪrmo riptinan. Ainda moca ma aukmo larapacrina.

¹² Ainda moca aku an makukara anjirena. Na aku anna keca, numbira mba morena. Na aku ripacrena ramootmo, aku malamɲireke. Na aku matau lamɲirena an aiɲ toco, ma aukna para tikrinanna, ma mataua raupɲinandet, te, an aiɲa memetmbaca laɲ ndeacraɲnandet, taɲca Karaisna kikipna Ra aniaca kipnandet.

¹³ Ainda moca u matau lamɲi, an kamb lainja aku unmo neaɲrinanna, u an tiɲna kirar mbuɲa u kambmo wandaɲa wiwitica meikramtaɪrmo neaɲ. Na u Karais Iesusmo gagraca ripaca, na ndona mamatɲimo mammo neaɲ te, an tiɲna kirar mbuɲa u minmo kambmo wiwitica mbop.

1:10 1 Ko 15.54-57, na Kol 1.26, na Ib 2.14, na 1 Pi 1.20 **1:11**
 1 Ti 2.7 **1:12** Epe 3.1-2, na 1 Ti 6.20, na 2 Ti 4.8, na 1 Pi 4.19
1:13 1 Ti 1.10, na 4.6, na 6.3, na 2 Ti 2.2, na 3.14, na Ta 1.9, na 2.1, na Ib 10.23

¹⁴ Na an kam wemban laŋa Raraŋ Aetaniaca una para tikrina, na u anmo raupŋi. Na ma reac laŋ ŋgoin, aintik u manmo mataui raupŋiraŋ. Na an Ŋeroŋ Ratta aiap eacrenanna, ma unmo an aiŋa otacnandet.

¹⁵ Na u lamŋirena, Esiana pitrikna meikramtaira muruŋcamiŋa aukmo iŋ neaŋrina, na Pigelusapa Iermogenes toco, aukmo iŋ neaŋrina.

¹⁶ Ri, aku Raraŋ Aetaniacmo mbendeia ma Onesiporusapa, mana kacnimnanmo, kakadmaina opotaca monande. Na memetmbaca Onesiporusa aukna nikinik iroa laŋa moca wewettarena, na aku kac ŋgoreac ndeacrenanna, ma mba numbira morenan. Wanaiŋ.

¹⁷ An minna ma auŋ aniac Romna kipatke, ma aukmo watna tonŋonap, aintik ma gagraca aukmo ore taŋ, tanŋa iŋmbaia ma aukmo watrina.

¹⁸ Ainda moca aku Kacootmo mbendeia, ma manmo Raraŋ Aetaniacna ritri waparacna ra aniac laru te, ma manmo kakadmaina opotaca monandet. Na u matau lamŋirena, Onesiporus, ma aukmo otaca aiŋir wit aniac Epesus, auŋ aniac tikca moatna.

2

Timoti ma Karais Iesusna lapoca ruŋrena ramoot laŋ ndeac

¹ Aintik aukna nuoc Timoti, memetmbaca u Karais Iesusna kakadmaimo wattacarica ma unmo, mo gagra.

² Na an kambca aku meikramtairmo muruŋcamiŋna lamnikta outta tikca wiwitiatnanna, u waracrinanmo, anmo u Raraŋ Aetaniacna meikramtaira mana kammo utiŋga gagraca eacrenanmo neaŋ. Te, mina kabena meikramtair motocmo riptina.

³ Te, u Karais Iesusna lapoca ruŋrena ramoot laŋ ndeaca, an aiŋirta makukar aia kabena ramtaira mbukrenanna, u toco anna mbuknande.

⁴ Na u lapoca ruŋrena ramtairta tipemb kirarira u lamŋirena. Mina an aiŋa mo te, mina kabena aiŋa mba morena. Mina lapoca ruŋrena aiŋ niŋgikca morena, te, mina lapoca ruŋrena ramoot paŋanna, an aiŋa tonŋonandet.

⁵ Na ramootta katum ŋgot te, ma mana tipemb kirarira raŋgai, na wanaiŋ ecte, ma katum ŋgotrena gagamma, ma mba aŋgiitndai.

⁶ Na ramootta waruŋna aiŋ aniacna moca, reik mbataca minmo raupŋirenana, ma an waruŋna amta reikca ma ndo ŋgoinna outta tikca aŋŋinandet.

⁷ Na an kambca aku unmo mboprenanna, u lamŋirena, te, Kacootta una iro landamŋimo mo piarnandet. Na u an reikta miniŋta kambca u muruŋcamiŋa lamŋinandet.

⁸ Aintik memetmbaca u Iesus Karaisna

2:3 1 Ti 1.18, na 2 Ti 1.8, na 4.5 **2:4** 1 Ko 9.25 **2:5** 1 Ko 9.25-26, na 2 Ti 4.8 **2:6** 1 Ko 9.7, na 9.10 **2:8** Ro 1.3, na 2.16, na 1 Ko 15.1, na 15.4, na 15.20

lamŋiran, ma menaca ma mac nda ŋgepatna, na ma Gagrirta Ramoot Paŋan Dewitna wiwitnan. An kam wemban laŋa, aku wiwitica mboprena kirar ŋgoin.

⁹ Na an kam wemban laŋa, aku man wiwitica mboprenanna, anna miniŋna moca meikramtaira aukmo ramoot ŋgoreac ndoprena. Ainda moca mina aukmo ainta makukara neaŋrena, na aukmo kac ŋgoreaca tikrina. Na Raraŋ Aetaniacna kamma, ma mba kac ŋgoreaca eacitndai.

¹⁰ Ainda moca aku ndona nikinik iroa moca gagraca an makukara muruŋa mbukrena, te aku Raraŋ Aetaniacna meikramtaira ma ndo riacrinanmo otacnan. Na aku tonŋgorinanna, meikramtaira Karais Iesusa minmo mac nda aŋŋinanna, mina iarwarna eteacna wat aŋŋi te, mina manap iarwara laŋ ndeacraŋnandet.

¹¹ Na gan kamma aku mbopeknanna, anna kam gidik ŋgoin.

“Aintik ai manap menac te,
ai toco manap iarwara eacraŋnandet.

¹² Na aia gagraca witikca,
makukara mbuk te,
ai toco manap gagrirta ramtair paŋainda
laruca eacnandet.
Na aia manmo iŋ neaŋ te,
ma toco aimo iŋ neaŋnandet.

2:9 Up 9.16, na 28.31, na Epe 3.1, na 3.13, na Pil 1.7, na 1.12-14, na Kol 4.3, na 4.18 **2:10** 2 Ko 1.6, na Epe 3.13, na Kol 1.24 **2:11** Ro 6.5, na 6.8, na 2 Ko 4.10-11, na 1 Ti 1.15 **2:12** Mt 10.33, na Lk 12.9, na Ro 8.17, na 1 Pi 4.13

13 Na aia mana ranġaina kam leaca,
 mammo ranġai ngocor te,
 aina an kamma ma mbopatnanna,
 ma ranġainandet.

Aintik ma mbopatna mana kamma,
 ma mba nġetrikitndai, wanaij ngoin.”

*Timoti ma aij gargara mo te, ma Raraġ
 Aetaniacna aijna ramoot ndarunandet*

14 Aında moca u memetmbaca meikramtairmo,
 an kammo lamniina moca minmo otac. Na
 Raraġ Aetaniacna lamniac ngoutmo, u minmo
 mbopca mina titocna kambta kambca kai ipuġi
 mbop teac. Na an kamma meac, co, ramoot
 ianna mba otacitndai. Wanaij ngoin. Na
 meac, co, ramootta an kamma memetmbaca
 waracrenanna, ma minmo mo ngocrainandet.

15 Aintik u gagraa aija mo te, Raraġ Aetaniaca
 ma una aija tonġonandet. Na u Raraġ Aetani-
 acna kamma u gidikca wandonj ngoinna wiwiti,
 na u mana lamniac ngoutta, u numbir kocor.

16 Na Raraġ Aetaniacna iroa ranġai ngocorta
 kamb nġorikmo, u iġ neaġ. Na ainta an
 kambca, ma meikramtairmo anġi taġca Raraġ
 Aetaniacmo iġ neaġna taupca tikraġnandet.

17 Na ainta kamma ma gamurmurna pit
 ngoreacna kirar, na ma tawaġa acnaica
 taġrena, te, ma ramootta mo ngocraina min.
 Na an kam ndoprena ramootniġa Eimeneusapa,
 Piletus.

2:13 Ndu 23.19, na Ro 3.3-4, na Ta 1.2 **2:14** 1 Ti 1.4, na 5.21,
 na 6.4, na Ta 3.9 **2:15** 1 Ti 4.6, na Ta 2.7-8 **2:16** 1 Ti 4.7, na
 6.20, na Ta 1.14 **2:17** 1 Ti 1.20

18 Na maniņa kam gidikna taupmo tikcarica maniņa aindoprena, “Raraņ Aetaniaca menacrina meikramtair ndeidmo, muk ngetacndiņa nda mo ngeprinan. Aintik inmbaia aia muk ngetacndiņa mba mac nda ngepitndai.” Na an kam mbuņa mina meikramtair ndeidta ritipaikca mo ngocrairena.

19 Ainda moca Raraņ Aetaniac, ma ndona Iesusna ritipaikta meikramtairta tumbunmo, wit gargara anģi witikri, na an witta ma witikca eacrena. Na an wit nambatta ma gaimda turrina, “Kacootta ma ndona meikramtairmo ma matau lamņirena.” Na gan kam tip toco ma tiratna, “Meikramtaira muruņcamiņa Kacootna i anģirenanna, mina tipemb nģorikta makukarmo in neaņ.”

20 Na kac aniac ianna inikca mina tuonģour ndeida mina golapa, silwa mbuņa morenan, na ndeida mina ikapa, tiacarpaik mbuņa morinanna anna eacrena. Na ndeid puņa mina ainģir anik laiņa morenan, na ndeida mina kabena ainta ainģira morenan.

21 Aintik ramootta ndona tipemb nģorikta makukara mo kecarica, ma Raraņ Aetaniacna lamņiac nģoutmo rat ndaru te, ma an golapa, silwana tuoņa mina ainģ laņa morena kirar nģoin toc ndarunandet. Na ma Raraņ Aetaniacna ramoot nģoin ndeacnandet. Na ma ndona Kacootmo otacna min. Te, kaina ainģ laņa kip te,

2:19 Ndu 16.5, na 16.26, na Ais 52.11, na Nau 1.7, na In 10.14, na 10.27, na Ro 8.35, na 1 Ko 8.3, na 1 Io 2.19 **2:20** Ro 9.21, na 1 Ko 3.12, na 1 Ti 3.15 **2:21** 2 Ti 3.17, na Ta 3.1

ma kocroca ma monandet.

²² Aında moca memetmbaca u ramtaır ńgaibta nıknık ıroarta aında tıpeııb ńgorıkta kırıarırmo ıń neań. Te, u aıńa moa tıı kırıar lań wandıń ańgı, na Rarań Aetaniacna rııacrena tıı kırıarapa, kabena meıkramtaıra matńırena tıı kırıarapa, nıknık ıro wetwetna tıııca u ańgı. Aında moca ne murıńıcamıńa an tııpeııb kırıarırmo moranı, na unapa meıkramtaıra Rarań Aetaniacna lamńıac ńgoutmo rat ndeacrenanna, ne Kacootna imo mbendeırań, na manmo rańgairań.

²³ Na ıroar laıń kocorta ramtaırmo, u mina kambmo ndona koara kai tıııca, mina kamb ńgorıkca kai warac teac. Na u lamńırena, aında kambca ma kaega morena kammaıpa, runduńa morenan.

²⁴ Aında moca Kacootna aıńa morena ramootta ma kaega morena kamma kai mo teac, na ma kai ruń teac. Ma meıkramtaırmo murıńıcamıńa tııpeııb kırıarır laıńga mo. Na meıkramtaıra mana kamma warac ńgocor te, ma ndona nıkkakatmo kıtacı ırııca ma taup lańna orea meıkramtaırmo Rarań Aetaniaca tońgorena tııpeıııbta kırıarıra rıııtına.

²⁵ Na meıkramtaıra kammo nda mbopreınanmo, ma mııımo lańanna mbopca mııa ıroara wandıńaina. Na ma aında mo te, Rarań Aetaniaca ma mııımo otacıandet, te, mııa ıroar ııkar ńgetrııkıca kam gıdııkna landamńı lań ańgıııande.

2:22 Up 9.14, na 1 Ko 1.2, na 1 Ti 1.5, na 6.11 **2:23** 1 Ti 4.7, na 2 Ti 2.16, na Ta 3.9 **2:24** 1 Ti 3.2-3, na Ta 1.7-9, na 3.2 **2:25** Gal 6.1, na 1 Ti 2.4, na 6.11, na Ta 1.1, na 1 Pi 3.15

²⁶ Ainda moca Paparuna Ramootta ma minmo ndona weaŋ mbuŋa minmo maanŋiat, te, minmo moca mina mana kammo ranŋaina. Na u minmo kam gidikmo ripti te, mina iroar piarca raek ndaruca laŋa monandet, na mina Paparuna Ramootna weaŋ tikcarica mina makukar kocor teacnandet.

3

Gan tiacarpaikna mamaina ra kipca rambuŋai te, meikramtaira tipemb kirarir ŋgorikca moranndet

¹ Ainda moca u gaind ndamŋi, gan tiacarpaikna mamaina ra kipca rambuŋai te, makukar wit ŋgorik koinda larurannde.

² Te, meikramtaira ndorita toŋtonŋar tingikca ranŋairannde, na mina kituknduk anŋina toŋtonŋ ŋgoin. Na mina ndorita irembca anŋi ŋgep te, mina kamma mba waracitndai, na mina kaega monande, na kabena meikramtairmo peperena kamb ŋgorikca mboprannde. Na mina ndorita aemeraeterta kambca mba waracitndai, na meikramtaira minmo tipemb kirarir lainŋa morinan, na mina minmo kam laŋa mba neanŋitndai, na Raraŋ Aetaniacna tipemb kirarirmo, mina iŋ neanndet.

³ Na mina kabena meikramtairmo, ac tikna iroar lainŋap kocor, na mina kaegna kamma mo te, an kaega wandonŋaina taupemb kocor. Na kabena meikramtairmo mina minmo ndonŋonŋ

3:1 1 Ti 4.1, na 2 Ti 4.3, na 2 Pi 3.3, na 1 Io 2.18 **3:2** Ro 1.29-31, na 1 Ti 1.20, na 6.4, na 2 Pi 2.3, na 2.12 **3:3** Ta 2.3, na 2 Pi 3.3

rapacrena. Na mina ndorita tikna tonɔtona mba rangaiitndai, na mina ruŋca kabena meikramtairmo mo ngocrainandet. Na tipemb kirarir lainɔa mina manmo puɔnɔngepca monandet.

⁴ Na mina ndorita aikndamtairmo, mina minmo tipemb kirarir ngorikca monandet. Na mina ndorita iroar ngorikmo, tawi ngoinna rangairannde. Te, mina gaim ndamɔjinandet, mina ndori irembapna ramtair anik. Na mina Raraŋ Aetaniacmo mba tonɔgoitndai, na mina gan tiacarpaikna tonɔgorena ainta tipemb kirarirmo mina tonɔgorannde.

⁵ Te, mina Raraŋ Aetaniacna tipemb kirarirmo mina ndorita tikemb tingik puɔga rangainandet. Na mana tipemb kirarir gidkara eacrena gargar aniaca mina emtemma mba lamɔjiitndait. Aintik ainta ramtaira u minmo iukaia tawan ndeacraŋ.

⁶ Na ainta ramtaira mina taupembta koreca iroar lainɔa kocorta meikta kaikca mbukna morenan, te, minmo wai aoca mina iroarta nginainga monande. Na an meikca mina tipemb ngorikta makukar witta morinan, na an makukna makukara mina mbukca watrinan. Na ma mina nikinik iroar mo ngepca minmo wiɔga mina mininɔa kocorta tipemb kirarira morenan.

⁷ Na ainta meikca mina riptiar aɔgina tonɔtonɔgar anikap, na mina Raraŋ Aetaniacna

3:4 Pil 3.19, na 2 Pi 2.13, na Iu 1.4, 19 **3:5** Mt 7.15, na 7.21, na Ro 2.19-20, na 2 Te 3.6, na 1 Ti 5.8, na 6.5, na Ta 1.16 **3:6** Mt 23.14, na Ta 1.11

kam gidikca mina landamņi aņģina minna wanaiņ.

⁸ Ainda moca atua Ianesapa Iambresa, maniņa Mosesmo puņņagepca mori. Na an kirar kabea morena ramtaira, mina kam gidikmo puņņagepca morena. Na mina iroara ņaņaori, na mina Raraņ Aetaniacmo gidikca mba ripacrena.*

⁹ Na mina an tipemb kirarira, ma mba acnairi. Wanaiņ ņgoin. Aintik meikramtaira muruņcamiņa wat te, mina tipemb kirarira muruņcamiņa ņaņao ņgoin. An kirara atua meikramtaira watrinanna, Ianesapa Iambres mbanija morena ņaņaņaona tipembta kirarir.

Timoti ma Raraņ Aetaniacna kammo utiņa gagra

¹⁰ Na u aukap eacri, u aukna tipemb kirarira u lamņirena, aku meikramtairmo Raraņ Aetaniaca tonģorena tipemb kirarira aku minmo riptirena. Na aku taņrena tipemb kirarirapa, mana miniņa tipemb kirarirmo, u muruņcamiņa lamņirena. Na u lamņirena aku Raraņ Aetaniacmo gagraca ripacrena, na memetmbaca aku ndona nikinik iroa moi gagraca aiņira morenan, na aku kabena meikramtairmo matņirenan, na aku gagra witikca, makukara mbukrena.

3:8 NA 7.11, na Ro 1.28, na 2 Ko 13.5, na 1 Ti 6.5, na 2 Ti 2.25

* **3:8** Na Mosesna minna ma Isip ndeacri, Iudanagepca mina gaimda ninirena, Ianesapa, Iambres anna Isipna gagrirta ramoot paņanna reik tipembmo wacica aņģirena ramootniņ. Na u Nda Aņģiatna timbigta kap sapta 7 wes 22, na sapta 9 wes 11na inikca wat. **3:10** Pil 2.22, na 1 Ti 4.6

¹¹ Na meikramtaira aukmo morina tipemb ŋgorikcapa, gġirara muruŋcamiŋa aukmo Antiokapa, Aikoniammapa, Listara tikca aku mbukrenanna u lamŋirena. Na an reik ŋgorik koindara mina aukmo an auŋembca tikca morinanna u lamŋirena. Na Kacootta aukmo an makukar witmo otaca aku laŋ ndeacrena.

¹² Gidik ŋgoin, meikramtaira muruŋcamiŋa Karais Iesusmo mikna morenanapa, Raraŋ Aetaniacna tipemb kirarirmo ranġaina morenanna, meikramtaira minmo tipemb ŋgorikca monandet.

¹³ Na meikramtair ŋgorikcapa, paparuna ririptia morena ramtaira mina meikramtairmo paruraŋnandet. Aında moca meikramtair ŋgorik toco, mina paruraŋnandet, na mina tipemb kirarira kocnai ŋgocrainandet.

¹⁴ Na un ŋgoinna u an kammo u aŋġirinanna, na u anna ripacrenan, na u anmo utiŋi gagara. Na meikramtaira unmo riptiar neaŋgatnanna, u minmo mataua lamŋirena.

¹⁵ Na an minna u nuoc teker ndeacrinanna, u lamŋirena, u Raraŋ Aetaniacna Timbigta Kap rat mbuŋa u an landamŋi aŋġiatna. Na an Timbigta Kapca unmo iroar laiŋga neaŋna min, te, u Karais Iesusa ripacna, na Raraŋ Aetaniaca unmo mac nda aŋġinande.

¹⁶ Na Raraŋ Aetaniacna Neronja ma ndo

3:11 Njap 34.19, na Up 13.14-52, na 14.1-20, na 2 Ko 1.10 **3:12** Mt 16.24, na In 15.20, na 17.14, na Up 14.22, na 1 Te 3.3 **3:13** 2 Te 2.11, na 1 Ti 4.1, na 2 Ti 2.16 **3:14** 1 Ti 1.13, na 2.2 **3:15** In 5.39, na 1 Pi 1.20-21 **3:16** Ro 15.4, na 2 Ti 2.21, na 2 Pi 1.20-21

ngoinna, an kambca Raraŋ Aetaniacna Timbigta Kap ndeacrena kammo, moca larurina. Aintik an kamma ma reac laŋ ngoin, ma aimo kam gidikna riptia neaŋrena, na ma iroar laiŋ kocorta meikramtairmo wandoŋairena, na aina mbibirac eteaca wandoŋairena, na aimo Raraŋ Aetaniacna lamniac ngoutta tipemb kirarirmo wandoikca mona riptirena.

¹⁷ Aında moca an kamma aimo Raraŋ Aetaniacna meikramtairmo, moca aia tipemb kirarir laiŋmo muruŋa aŋgirinanna, na aimo ma mo kocroca aia aiŋir laiŋmo muruŋa mona.

4

Timotia ma Raraŋ Aetaniacna kammo gagaraca wiwitina

¹ Aintik Raraŋ Aetaniacna lamniacapa, Karais Iesus, ma meikramtaira muruŋcamina menacrinanapa, menac ngocortanna, ma toco mina tipemb kirarira ritrinandet. Na aku unmo gagara aind mambopek, Karais Iesus, ma meikramtairmo muruŋcamina lamnikmo raek ndarunandet, na ma memetmbaca gagrirta ramoot paŋanna eacraŋnandet.

² Aında moca u mana kammo gagraca wiwitiraŋ. Na meikramtaira mana kammo waracna kocrori, co, kocro ngocor, u memetmbaca Karaisna kammo gagraca wiwitiraŋ. Na u minmo kam gargar neaŋca mina iroara

3:17 1 Ti 6.11, na 2 Ti 2.21 **4:1** Up 10.42, na Ro 14.9-10, na 1 Ti 5.21, na 6.13 **4:2** Up 20.20, na 20.31, na 1 Ti 4.13, na 5.20, na Ta 1.13, na 2.15

riŋga, mina iroara moi ngepca mina iroar inkar uriraca Raraŋ Aetaniacna tipemb kirarira raŋgaina. Ainda moca u memetmbaca u minmo laŋan wetwetta minmo Raraŋ Aetaniaca toŋgorina tipemb kirarirmo mataui riptiraŋ.

³ Na u warac, iŋmbaia meikramtaira mina kamb wandoikmo, mba mac toŋgoca waracitndai. Wanaiŋ ŋgoin, mina koura ainta kamb ŋgorikca waracna toŋtoŋ ŋgoinap, te, mina ramtair witmo aŋgica mina toŋgorena kammo riptica mina waracna.

⁴ Ainda moca mina kam gidikmo iŋ neaŋca mina ninini wanaiŋmo kourmo tikca waracrena.

⁵ Na memetmbaca u ndo u lamŋi piarnande. U makukarapa, gŋgirara u mbuknandet. Na u kam wembaŋ laŋna aiŋa moca, meikramtairmo wiwituraŋ. Na u meikramtairmo opotacna aiŋap, na u an aiŋmo gidikca mo.

Pola menacna rambuŋairi

⁶ Na u lamŋirena aku menacna rambuŋairi, na aukna racaindpaikca kactaca ma an wainna mina Raraŋ Aetaniacmo gimbamba neaŋrena kirar. Na aku nenmo tikcarina ra kipca marambuŋairi.

⁷ Ainda moca aku runduŋ laŋmo aku maruŋgat, na aku opot laŋa katumrina. Na mandeaca aku mana mamamaina minna

4:3 1 Ti 1.10, na 4.1, na 2 Ti 1.13, na 3.1, na 3.6 **4:4** 1 Ti 1.4, na 4.7, na Ta 1.14 **4:5** Up 21.8, na Epe 4.11, na 2 Ti 1.8, na 2.3
4:6 Pil 1.23, na 2.17, na 2 Pi 1.14 **4:7** 1 Ko 9.24-25, na Pil 3.14, na 1 Ti 6.12, na Ib 12.1

maangiat. Na Raran Aetaniacna ritipaca aku utiŋga gagraca eacrena.

⁸ Na mandeac an katumna gagamma ramootta outta tik te, ma anŋinanna, ma aukmo kocroca lambica eacrena. Na outta tikrena gagamma gaid, Kacootta aukmo ramoot wandoŋ laŋ ndopnandet. Na Kacootta ma tipemb kirarir wandoik laiŋ tiŋgikca ranŋairena, na meikramtairta tipemb kirarira ma ritrireana. Na mana ritri waparacna ra, ma aukmo an outta tikrena ramootna gagamma, neanŋandet. Na ma aukmo ndo kabea mba neanŋitndai. Wanaiŋ. Ma an meikramtaira mana watna tonŋon aniacapa, mamu lambica ma raekca laruca ma mimo neanŋandet.

Pola Timotimo ndo ndambuŋa tawi ŋgoinna taŋna

⁹ Na Timoti, u auk ndambuŋmo towai gagraca tawi ŋgoin nakip.

¹⁰ Na u warac, Demasa ma gan tiacarpaikna tipembta kirarira tonŋorenan tik, ma aukmo tikcarica Tesalonika auŋ aniaca matanŋat. Na Karesens, ma Galesiana pitrik aniaca matanŋat, na Taitusa ma Dalmesiana pitrik tekeru matanŋat.

¹¹ Aintik Luka ma ndo kabea aukap eacrena. Ainda moca u Makmo anŋica ma unap kip, ma aukmo otaca aiŋa mona ramoot laŋ.

4:8 1 Ko 9.24-25, na 2 Ti 1.12, na Ie 1.12, na 1 Pi 5.4, na KIEK 2.10
4:9 2 Ti 1.4 **4:10** 2 Ko 8.23, na Gal 2.3, na Kol 4.14, na Pm 1.24,
na Ta 1.4, na 1 Io 2.15 **4:11** Up 12.12, na 12.25, na 13.13, na
15.37-39, na Kol 4.10, na 4.14, na Pm 1.24

12 Na Tikikusa aku manmo, mandaca ma Epesus auŋ aniaa matangat.

13 Na u kipna mo te, u aukna tik ngapaoc rocotta aku Toroas auŋa tikcarinanmo angica kip, na ma Karpusna kac ndeacrena. Na timbigta kaipa mina amta ngoaebta injir puŋga morinanna, u anmo ndarekrekke nari, an timbigta kaipa u anap angica kip.

14 Na baras mbuŋa reikca morena ramoot, Aleksander, ma aukmo reik ngorik witta morina. Ainda moca inmbaia Kacootta manmo an tipemb kirarira ma morinanna, nda rutica manmo mo ngocrainandet.

15 Na u toco, u mana moca mamu matau wat, ma aina kammo ipuŋga gagraa nda mboprina.

16 Na out ngoinna aku ndona wawara ritri waparacna kam ndopri, ramoot ianna aukap mba witikca aukmo otaca mbopri. Wanainj, mina muruŋcamiŋa aukmo tikcariatna. Na aku Raraŋ Aetaniacmo mbendeia, ma mina an tipemb ngorikta moca anna kai lamji teac.

17 Ainda moca Kacootta ma ndo kocroca, aukmo gargara neaŋrina. Aintik aku kam wembaŋ lajmo wiwitica minna tikri, na Iudana meikramtair wanaiŋa muruŋcamiŋa waracrina. Na Kacootta aukmo amna ngoaem, laionna upa tikca maangiat.

4:12 Up 20.4, na Epe 6.21-22, na Kol 4.7-8 **4:13** Up 20.6 **4:14** Nŋap 28.4, na 62.12, na ML 24.12, na Up 19.33, na Ro 2.6, na 1 Ti 1.20, na KIEK 18.6 **4:16** Up 7.60, na 2 Ti 1.15 **4:17** Nŋap 22.21, na Dan 6.22, na Up 23.11, na 27.23, na 2 Pi 2.9

18 An kirar mbuḡa mina aukmo tipemb ḡgorikca moeknanna, Kacootta aukmo mac nda aḡḡinandet. Te, ma aukmo laḡa mona moca, aukmo ndona bubuocrena tamuḡna auḡ naaḡḡi taḡḡnandet. Na aia mana i aniacmo memetmbaca iarwar naaḡḡi ḡgepraḡḡnandet. Na anna gidik.

19 Na u aukna ra laḡmo Pirisilaapa, Akuwila maniḡmo neaḡ, na Onesiporusna kacniḡnanmo neaḡ.

20 Na Erastus, ma Korin auḡ aniac maeacreke, na Toropimusa ma roumbap tik aku mammo auḡ aniac Miletusa tikcamacariri.

21 Na u gagraca tawi kip. Na u lambi te, laemba kipnandet.

Na Iubulusapa, Pudensapa, Linusapa, Kilodi-aapa, Iesusa riḡpacrena laiplacara muruḡcamiḡa unmo ra laḡ neaḡrina.

22 Aintik Kacootta una ḡeroḡap eac. Na mana kakadmaica nenap muruḡcamiḡa eacnandet.

4:18 Nḡap 121.7, na Ro 11.36, na Gal 1.5, na Ib 13.21 4:19 Up 18.2, na 2 Ti 1.16-17 4:20 Up 19.22, na 20.4, na 21.29, na Ro 16.23

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7